

OS CHANS DO BARBANZA

11ª proba de Liga Galega de O-Pé

8 de Novembro de 2014

BOLETÍN INFORMATIVO



A Universidade de Santiago de Compostela organizará a 11ª proba da Liga Galega na parte alta da Serra do Barbanza, en concreto, na zona denominada Os Chans do Barbanza.

É unha zona de pastos, onde predomina a matogueira de toxo e de carqueixa, con algunha pequena zona de piñeiro baixo.

Desexamos ofrecer unha proba nun mapa novo, e dun tipo que ata agora non tiñamos por Galicia. Esperamos a vosa participación neste evento e que podades disfrutar dunha boa xornada de orientación.

Organizador: USC Orientación

Dirección: Pilar Veiga, Santiago Fraga

Equipo técnico


- **Cartografía:** Iván Mera
- **Percorridos:** Pilar Veiga, Santiago Fraga
- **Balizado:** Pilar Veiga, Santiago Fraga, Xavier Viana, Ignacio Sordo, Miguel Ramos
- **Sport Ident:** José Ramón Pacheco, Santiago Fraga

LUGAR DE CONCENTRACIÓN, SAÍDAS E META

Situación: 42°41'44" N – 8°55'58" W


<http://tinyurl.com/m6eadaf>

CÓMO CHEGAR Á ZONA DE COMPETICIÓN



Pola Autovía do Barbanza AG-11:

Dende a A9, en Padrón collemos a AG-11 ata a saída 24. Na primeira rotonda (ver croquis) tómase a terceira saída en dirección BOIRO-ESCARABOTE-NOIA. Crúzase a autovía e na seguinte rotonda, cóllese a primeira saída. Vaise paralelo á autovía e na seguinte rotonda, tomase a primeira saída en dirección Noia (DP-1105/AC-3101). Recorridos 6 km, chegando a Moimenta tomase o desvío a esquerda que sube á base militar EVA nº10. Despois de 9 km por esta estrada, atopamos o EVA e seguimos 3 km máis pola mesma ata a zona de secretaría. A parte final do traxecto farase por unha pista de terra.



Dende Noia:

Saír da cidade en dirección Porto do Son (AC-550) e ao pasar a ponte sobre a ría, tomar a esquerda a estrada AC-3101 en dirección Boiro. A 8 km, saíndo de Moimenta debese tomar á dereita a estrada que sube ao EVA n°10. Despois de 9 km por esta estrada, atopamos o EVA e seguimos 3 km maía pola mesma ata a zona de saída. A parte final do traxecto farase por unha pista de terra.


Estará sinalizado dende a saída de Noia e dende a saída 24 da AG-11.

HORARIO

- 9:30 h.: Apertura da secretaría.
- 10:30 h.: Saída dos primeiros corredores.
- 13:45 h.: Peche de meta.

MAPA

- Chans do Barbanza
- Escala: 1:10000, excepto os percorridos 1 a 4, que será 1:7500
- Equidistancia: 5 m.



Terreo despexado, fundamentalmente, no que o elemento principal do plano son os detalles rochosos, cortados (franqueables ou non franqueables), rochas de diferentes tamaños, agrupamentos e afloramentos.

Para evitar a saturación de elementos no mapa, detallamos a continuación algúns dos criterios cartográficos empregados:

- **Afloramentos.** Superficie pétrea, con ou sen elevación, cun tamaño mínimo aproximado de 100 m² sobre o terreo.
- **Cortados.** Cara vertical, illada ou parte dun afloramento, de entre 1 e 2 metros de envergadura, no caso dos franqueables, e de máis de 2 metros no caso dos infranqueables.
- **Rochas.** Elemento illado cunha altura mínima aproximada de 1 metro. Debido á grande cantidade de rochas, diferéncianse catro tipos segundo o tamaño:: pequenas (1m a 1,5m), medianas (1,5m a 2m), grandes (>2m), e masas (>2m e gran superficie).
- **Agrupamentos.** Distínguese entre grupo de dúas ou máis pedras que, sendo destacables, non se poden cartografar de xeito individual (triángulo isósceles), e

agrupamento de pedras, de gran porte, ou tamén amontoadas entre sí (triángulo equilátero); á vez, establecéronse dous tamaños para cada símbolo, dependendo da envergadura ou superficie do agrupamento.



PERCORRIDOS

A velocidade de carreira será media/alta. Existen bastantes zonas despexadas onde en xeral se poderá correr libremente, reducíndose a velocidade naquelas zonas con presenza de vexetación baixa. A gran concentración de elementos de pedra en determinadas zonas do mapa obrigarán a unha lectura cuidadosa do terreo. Nalgunhas zonas pode haber concentración de balizas polo que se fai imprescindible comprobar que o número de control se corresponde co teu percorrido.

Tendo en conta a época do ano no que se vai celebrar a proba, os regatos e zonas pantanosas non van a coincidir exactamente cos elementos correspondentes no mapa.

Tamén existen no mapa zonas de vexetación baixa que fan recomendable o uso de polainas ou calquera outro tipo de protección.

O percorrido 10 dividirase en dous percorridos, un para H-35 e outro para M-E e H-21L, con distancias equivalentes.

PERCORRIDO	CATEGORÍAS	DISTANCIA (aprox.)
1	H12 - M12 - INI CORTA	2,7 km
2	H14 - M14	3,7 km
3	INI LONGA	4,3 km
4	H16 - M16	4,3 km
5	M21C - H18 - M18	4,8 km
6	M21 - H21C	5,1 km
7	H55 - M55 - M45	5,5 km
8	H45 - M35	6,4 km
9	M21L - H21	7,5 km
10a	H35	8,5 km
10b	ME - H21L	8,5 km
11	ÉLITE	9,8 km

AVITUALLAMENTOS

Haberá avituallamento na meta para todos os percorridos.

INFORMACIÓN ECOLÓXICAMENTE MOI IMPORTANTE

Na zona de competición atoparase, case con seguridade, gando en liberdade (cabalos, vacas ou ovellas), polo que recomendamos ós corredores que teñan o máximo respecto e cuidado durante o transcurso da proba .

Tirar ao chan desperdicios non orgánicos antes, durante ou despois da competición en toda a área de competición (saída, chegada, aparcamento ou mapa) supón a descalificación do corredor/a.

INSCRICIÓNS

A través da web da Federación Galega de orientación (www.fegado.es) seleccionando o evento no calendario e marcando a categoría na que desexa inscribirse. Os participantes que non teñan usuario na intranet terán que rexistrarse antes.

Cuotas de inscrición:

- Federados: 4 euros
- Non federados (con seguro e licenza de 1 día):
 - o INICIACIÓN CURTA: 6 euros.
 - o INICIACIÓN LONGA: 8 euros.

Data límite: **martes 4 de NOVIEMBRE, 22 h**

A estes importes engadiranse 3 euros en caso de precisar alugar a pinza **Sportident** (obrigatoria para todos os percorridos).

O pago das inscricións + aluguer das pinzas Sportident realizarase mediante ingreso na seguinte conta bancaria:

- IBAN ES88 2080 0388 27 3110001949 (ABANCA)
- CONCEPTO: ORI USC + nome do clube (ou nome do participante)
- Os xustificantes do ingreso deberán enviarse a **orientacionusc@gmail.com**

ORGANIZA



SERVIZO DE DEPORTES

COLABORA



XUNTA DE GALICIA

PRESIDENCIA

Secretaría Xeral para o Deporte